

**PEMBERITAHUAN PERTANYAAN
PARLIMEN MALAYSIA**

PERTANYAAN : BUKAN LISAN

DARIPADA : DATO' FAUZI BIN ABDUL RAHMAN

KAWASAN : INDERA MAHKOTA

NO. SOALAN : 454

DATO' FAUZI BIN ABDUL RAHMAN minta **MENTERI PERDAGANGAN ANTARABANGSA DAN INDUSTRI** menyatakan apakah status Projek Malaysia-China Kuantan Industrial Park (MCKIP) di Gebeng Kuantan. Apakah kemajuannya hingga kini dan bilakah ia dijadual beroperasi sepenuhnya.

JAWAPAN:

Tuan Yang Di Pertua,

1. Projek Taman Perindustrian Kuantan Malaysia - China (MCKIP – *Malaysia-China Kuantan Industrial Park*) sedang berjalan dengan lancar. Satu perkembangan terbaru adalah perluasan MCKIP berikutan pemberian tanah tambahan oleh Kerajaan Negeri Pahang yang membawa keluasan MCKIP yang terbaru kepada 3,000 ekar.

2. Pembangunan infrastruktur MCKIP yang diselia oleh Majlis Pembangunan Wilayah Ekonomi Pantai Timur (ECERDC) berjalan mengikut jadual. Fasa pertama dan kedua dijangka akan siap pada tahun 2017 dan 2018, masing-masing.

3. Sejajar dengan status Pelabuhan Kuantan sebagai pintu masuk utama melalui laut ke MCKIP, pembangunan infrastruktur di Pelabuhan Kuantan juga sedang giat dijalankan. Ini termasuk projek membesarkan Pelabuhan Kuantan oleh Syarikat IJM Corporation Bhd dan Guangxi Beibu Gulf International dengan jumlah pelaburan sebanyak RM3 bilion. Pembinaan "breakwater" di Pelabuhan Kuantan dijangka akan siap pada suku ke-empat 2017.

4. Dari aspek pelaburan di MCKIP pula, syarikat-syarikat tersebut telah memberikan komitmen seperti berikut:

Nama Syarikat	Aktiviti	Pelaburan (RM)
Alliance Steel Sdn Bhd	Kilang keluli bersepadu moden	5.6 bilion
Guangxi Zhongli Enterprise Group Co. Ltd.	Pembuatan porselin tanah liat dan taman perindustrian ringan	2.0 bilion

Nama Syarikat	Aktiviti	Pelaburan (RM)
Zkenergy (Yiyang) New Resources Science & Technology Co. Ltd.	Sistem aplikasi tenaga boleh baharu	215 juta
Guangxi Investment Group Co., Ltd.	Aluminium profil penyemperitan	580 juta
LJ Hightech Material Sdn Bhd	Pengeluaran bitumen getah dipertingkat Panel pasang siap untuk industri pembinaan	1 bilion

5. Syarikat Alliance Steel Sdn Bhd dijangka akan beroperasi pada suku ke-empat 2017. Sebanyak 4,000 pekerjaan telah dihasilkan bagi pembinaan kilang keluli dan sebanyak 3,500 peluang pekerjaan akan dihasilkan bagi aktiviti operasi kilang tersebut.

6. Pihak Majlis Pembangunan Wilayah Ekonomi Pantai Timur (ECERDC) mengadakan mesyuarat penyelarasan setiap bulan bagi memantau perkembangan projek-projek di MCKIP dan di Wilayah Ekonomi Pantai Timur. Selain itu, ECERDC juga dengan bantuan Kerajaan Guangxi sedang giat mempromosi MCKIP dan CMQIP di kalangan pelabur-pelabur China.

7. Pada 31 Mei 2016, "Persidangan Kedua Pelaburan Promosi "Two Countries, Twin Parks" telah diadakan di Kuala Lumpur. TYT Zhang Xiaoqin, Naib Gabenor Wilayah Autonomi Guangxi Zhuang, juga mengetuai delegasi dari RRC untuk melawat MCKIP dan Pelabuhan Kuantan. Program sebegini telah memberikan tarikan di kalangan pelabur-pelabur di Malaysia dan juga di RRC mengenai peluang pelaburan di MCKIP.